



**СЛУЖБА
СВЯТОЙ
ВАРВАРЕ
СКВОРЧИХИНСКОЙ**

По благословению
Преподобнейшего Николая
Епископа Салаватского и Кумертауского

СЛУЖБА
СВЯТОЙ
ВАРВАРЕ
СКВОРЧИХИНСКОЙ
СОВЕРШАЕТСЯ
14 ФЕВРАЛЯ И 5 МАЯ

На велицей вечерни

на 8

Блажен муж: 1-й антифон:

Господи, воззвах, стихиры святыя, глас 1:

- 4 Приидите вси вернии,/ песньми прославим Господа,/ прославльшаго Свою угодницу блаженную Варвару./ Сия бо разума своего отвергшися,/ многи скорби, поношения, презрение и гонение претерпела еси,/ еще же мраз и зной, наготу и глад,/ в затворе пребывая непрестанно ко Господу воздея рuce свои,/ любовь преизобильную к Богу и людем стяжала еси./ Тоя молитвами, Христе Боже, // помилуй и спаси души наша.
- 5 Дивны дела твоя Господи,/ укрепил бо еси Свою избранницу во дни гонения веры православныя,/ твердо исповедати истину пред беззаконными,/ и избрати многотрудное житие./ Сия же, любовию Твоею укрепляема,/ всякаго мирскаго пристрастия удалилася еси,/ многи подвиги и труды подъяла еси,/ и совлекшися ветхаго человека, // лестницею добродетелей Царствия небеснаго достигла еси.
- 6 Во смирение и любовь Божию облелася еси, блаженная,/ в темном затворе пребывая и света солнечнаго себе лишая,/ света Божественнаго причастница была еси./ По глаголу же Божию,/ возжегше свещу не скрывают ея, но да светит всем,/ тако и ты, блаженная Варваро,/ разгоняла еси тьму греховную,/ утверждала в вере, надежде и любви // всех во мраце неведения блуждающих.

7 Дар прозорливости дарова тебе Господь, блаженная Варваро,/ и ты далече сущая яко настоящая зрела еси,/ и тайныя грехи обличала еси,/ любовию врачюя грешныя души,/ врученный тебе талант умножила еси,/ в радость сподобилася еси внити Господа твоего, // моли непрестанно о душах наших.

8 О, блаженная мати Варваро,/ имеем тя молитвенницу теплу за ны пред Богом,/ утешительницу в скорбех, целительницу в недугех,/ претерпела во мнози скорби и обстояния злы,/ всех к подвигу терпения скорбей призывающи./ Ходатайствуй непрестанно за ны ко Господу,/ да утешения и радости нетленные не лишит нас, // и от всех бед избавит.

Облеклася еси в белыя одежды,/ столпом являешия храма Всевышняго,/ имя твое написано в книзе жизни,/ вкушаеши, всехвальная Варваро, сокровенную манну райских сладостей,/ и нас от горечи неверия и расколов избави,/ от распрей и угнетения безбожных свободы,/ да ты, заступницу нашу ведуще,/ в роды родов ублажаем,/ память твою, дево чтим честную, // и со всеми святыми тя величаем.

✓ Глава: глас 2.

Смирением возвышаема, нищетою богатящаяся,/ вознеслася душа твоя ко Всещедрому Владыце,/ и от Него селения святых унаследовавши,/ сияеши, блаженная Варваро, в вечной славе,/ со девственниками, праведниками, блаженными водворяешия,/ поминай и

нас, у раки мощей твоих предстоящих, // помощи и утешения от тебе чающих.

И ныне: Догматик или Праздника:

Вход. Прокимен дне.

И чтения три преподобническая
писаны в месяц февраль 11-й день.

На литии стихиры, глас 7:

Возжег еси, Всесильне Господи, / безчисленные
свещильники Твоя в земли Русстей, / новомученики и
исповедники, / даже до крове за веру православную во дни
гонения пострадавшия, / тако и в земли Уфимстей
угодница Твоя блаженная Варвара, / безкровная
мученица и истины Божия проповедница, / за
отступившия от Церкви Матере непрестанно молилася
еси, / люди, к ней притекавшия, в вере утверждала еси, / о
чадах, от Бога отвращаемых безбожными наставники, /
плакала еси взывающи: // Господи, просвети их и спаси, по
велицей Твоей милости.

Слава: глас 6:

Проповедницу кротости и смирения, / терпения, веры и
любве, / воспоим радостно вернии блаженную Варвару, /
житием своим в сих добродетелех нас наставляющую, / и
той возопим: / не забуди нас, сродников твоих,
блаженная мати, / но предстоя ныне престолу Царя
царствующих, // укрепи нас шествовати стезею заповедей
Христовых.

И ныне: Богородичен или Праздника:

со стихов
утренни
с. 164

На стиховне: стихиры, глас 5:

Радуйся, Всехвальная Варваро, / невесто Божия избранная, / в девстве и непорочности себе соблюдшая, / смиреннем и незлобием себе украсившая, / молитвою непрестанною и постом душу свою питавшая, / великия дарования от Бога за сие приявшая; // моли непрестанно о нас, чтущих святую память твою.

Стих: Веселитесь о Господе / и радуйтесь праведнии.

Радуйся, всехвальная Варваро, / истинной рабой Божией желая быти, / женскую немощь отвергнуши / и вся земная ни во чтоже вменивши, / ввергла еси себе в горнило скорбей, болезней, глада и нищеты, / вся козни вражия поправши, / укрепляемая силою Христовою, / душу свою соделала еси обителю Святыя Троицы, // моли Ю непрестанно о нас, чтущих любовию память твою.

Стих: Воззваша праведнии / и Господь услыша их.

Радуйся, всехвальная Варваро, / избранный сосуде Святаго Духа, / небесных обителей блаженная жительница, / в соборе святых жен сияющая, / венцы многосветлыми от Господа венчанная, / прославляем тя песненными хвалы, блаженная мати наша, // моли непрестанно о нас, чтущих любовию память твою.

Глава, глас 8:

Днесь веселится и радуется страна Уфимская, / в памяти блаженной заступницы ея, / святой затворницы Варвары. / Притецем и мы в молитвах к матери нашей, / скорую благодатную помощь от нея обретаая. / Та бо заблудшия на путь покаяния наставляет, / скорби и немощи наша милостивно врачует, / и по коегождо потребе полезная дарует. / Темже воззовем к ней: / о, святая блаженная мати наша Варваро, / молися непрестанно за ны ко Господу, / да помилует и спасет души наша, // яко благ и Человеколюбец.

И ныне, Богородичен или Праздника:

по 3 св Тропарь, глас 5:

Образ Христова смирения стяжала еси, / святая блаженная мати наша Варваро, / молитву к Богу чистейшую и любовь к людям нелицемерную имела еси, / благодать Божию за люди ходатайствовать стяжала еси, / ныне в нетленных мощех почиваеши, / и у престола Божия предстоиши, / Господа лицезрети сподобилася еси, / моли о нас милостиваго Бога, // да спасет души наша.

по 3 св Слава, и ныне, Богородичен или Праздника:

На утрени

✓ На Бог Господь: тропарь святых дважды.

Слава, и ныне, Богородичен.

Или тропарь праздника дважды: Слава,
✓ святых. И ныне, праздника.

По 1-м стихословии седален, глас 3:

Любовию к Богу пламенеючи, непрестанно в молитве пребывала еси, блаженная Варваро, светом небесным облистаема. Многи бо люди видеша тя нощию у источника воднаго молящуюся, на лик же твой, аки солнце сияющий, зрети не могуще без страха. Сим же светом и нас озари, блаженная мати, усердно молим тя.

Слава, и ныне, Богородичен:

Дверь благодатная, отверзшая верным двери небесныя, покаяния двери светозарныя отверзи нам, Благая Богородице Дево, да егда в нощи Жених придет судити земли, со светлою свещею во сретение Его изыдем.

По 2-м стихословии седален, глас 5:

Постничествовавши светло, и вся подвиги проходя мужественно, врага невидимаго победивши, сподобися сладости и славы непреходящия, сея и нам быти причастниками Господа умоли, блаженная мати Варваро.

Слава, и ныне, Богородичен:

Поем Тя вернии, Богоблагодатная Владычице, Бога во родила еси, Егоже умоли людем Твоим в мире спастися.

полчел

Величание:

Величаем тя, / святая блаженная мати наша Варваро, / и чтим святую память твою, / ты бо молиши о нас / Христа Бога нашего.

Псалом избранный: Терпя, потерпех Господа:

По полиелен седален, глас 4:

Составим днесь похвалу дивной угодице Божией, заступнице нашей и молитвеннице пред Богом, блаженной Варваре. Подвигом бо добрым на земли подвизалася, ныне со ангелы ликовствует и со всеми святыми Христу предстоящи, непрестанно молит о чтущих любовию память ея.

Слава, и ныне, Богородичен:

Пречистая Богородице, всех христиан теплая помощнице, моли Сына Твоего и Бога нашего, спаситися душам нашим.

Прокимен, глас 4:

Праведницы во веки живут / и в Господе мзда их.

Стих: Надеющиеся на Нь разумеют истину, и вернии в любви пребудут Ему.

Всякое дыхание: Евангелие от Матфея, зачало 43.

По 50-м псалме стихира, глас 6:

Мати Варваро богомудрая, / в тайных подвизах
течение совершала еси, / в затворе пребывая, / людей же,
духовнаго утешения жаждущих, не оставляла еси, / и ныне
непрестай приноси ти моления о нас, // усердно к твоему
заступлению притекающих.

Каноны: Богородицы или ПРАЗДНИКА со ирмосом
на 6, и святой на 8:

Канон святых, глас 8.

Песнь 1

Воду прошед, яко сушу:

Возвеселимся днесь вси, церковь бо небесная
сликовствует с земною церковью, веселящейся в памяти
блаженной матери ея Варвары. Вси вернии, похвальные
песни принесем молитвеннице нашей, от земных подвигов
в чертог небесный вселившейся.

Доброты Божия едины возжелавши, на стези
многоскорбней утвердила еси нозе твои, Варваро
богомудрая, плотскаго обручника отвергла еси, еще и вся
красная мира сего в прах вменила еси, с мудрыми девами
ныне водворяешься, яко невеста Христова всехвальная.

Житие сокровенно провождала еси, угоднице Христова,
вся труды своя пред очами Божии токмо совершая. Но
прослави тя Господь, Сам бо рече, яко не может укрытися

град, верху горы стоя, темже и от нас прими похвальныя песни, святая мати.

Богородичен:

Творец всея твари, жизни и света податель, из Тебе возсия, Пренепорочная, премножеством благодати. Ёгоже моли спасти непрестанно Тя величающия.

Песнь 3

Небеснаго круга:

Скорбное житие издетска избра тя, блаженная, яко с малых лет сиротою пребывала еси, родителем твоим умершим, но восприя тя Господь, о сирых и убогих присно пекийся.

С детских лет научаемая наставницею твоею в страхе Божии жизнь провождати, утвердила еси сердце свое в делании заповедей Христовых, ум и душу словом Божиим просвещала еси. Темже призре Господь на стремления твоя, избранницею дивною тебе содела.

Просветилася еси от младенства светом веры истинныя, уготовала еси на подвиг себе. Предузрев же от века всевидящий Бог добрый нрав твой и благонадежие, предустави тя ко спасению. Ёго же моли спасти души наша.

Богородичен:

Под покровом Твоим, Чистая, от навета врагов Твоя рабы сохрани вся невредны, Тя бо стяжахом в скорбех и нуждах едину прибежище.

БЕДАЛЕН, ГЛАС 5:

Яко многосветлое солнце, блаженная мати Варваро, из темнаго твоего затвора светила еси, лучами божественных добродетелей облистая всех притекающих к тебе. Не забуди и нас, чад твоих, в небесных обителях ныне пребывая, моли спастися всем нам.

Слава, и ныне, Богородичен:

Благословенная Владычице, прими моление раб Твоих, омофором Твоея милости покрый грехи наша, теплотою молитв согрей сердца наша, осияй всех светом Сына Твоего, благоверно Тя Богородицу исповедающих.

Песнь 4

Услышах, Господи:

Памятуя реченное Господем: не возбраняйте чадом приходити ко Мне, страху Божию-началу премудрости дети научаючи, понуждала еси их, о Варваро, службы церковныя посещати, закону Творца следовати, нерен Божии почитати, веру православную хранити.

Отвратилася еси древняго нечестия, блаженная мати, не восхотела поклонятися Молоху, младенцы пожирающу, удалилася безумцев, рекущих отроком: несть Бога, да не соблазниши ни единого от малых сих, ибо таковых есть Царствие Небесное.

Уподобилася еси детям незловивым, прияла во царствие Божие, яко отроча; нрав младенцев стяжавши, вознеслася еси к горним; и нам, чадом твоим, образ

ДОБРОДЕТЕЛИ ОСТАВИВШИ, БЕЗПРЕТКНОВЕННО ЗЕМНОЕ
ПОПРИЩЕ СОВЕРШИТИ СПОДОВИ.

Богородичен:

Не отвержи стенаний наших, Пречистая, из глубины
души воздыхаем, с воплем сердечным вопием Ти: бездны
зловы свободи нас, пучины греха избави, бездна бо
милосердия Тобою излилася.

Песнь 5

Просвети нас повелении Твоими:

Огнем Божественная ревности пламенея, безумным
велениям не последовала еси, Варваро добромученице, но
совлекшись одежды светлая, в ризы худыя себе облекла
еси, и бегая человек, в темном затворе вселилася, и тамо
много подвиги подъявши, главу вселукаваго змия
сокрушила еси.

Восхождение твое от силы в силу устроая, всемогущий
Господь попусти людям злым раззорити убогое жилище
твое, тебе изранити и власы главы твоея острищи; ты же
скорби горькия претерпевая, обидящих праведному суду
Божию предала еси, незлобием и кротостию духа зловы
посрамила еси.

Высший подвиг даде понести ти Господь, егда огонь
попали кров твой, блаженная мати, ибо в хладе лютыя
зимы препровождала еси, благодатию Святаго Духа
согреваемая, Имже во спасение облеклася еси.

Богородичен:

Пресвятая Дево, Света вместилище Невместимаго,

осияй ны, прогоняя тьму неведения, да Тя по долгу
увлажаем.

Песнь 6

Молитву пролию ко Господу:

Источник слез покаяния и умиления в сердце своем имела
еси, блаженная, нам же источник водный ископала еси, и
благодать целебную сему у Бога испросила еси. Темже вси
к нему прибегающии исцеление недугов душевных и
телесных приемлют.

Разширила еси сердце свое скорбями и притекащих к
тебе в нуждах с любовью вмещала еси. Откры бо тебе
Господь, блаженная мати, стези многих. Ты же слезы
скорбящих отирала, тайныя согрешения заблуждших
обличала. И нас на путь покаяния направи, усердно молим
тя.

Звезду путеводную ко спасению имеем тя, Варваро,
научаеши бо нас к тленному миру не прилепятся, но все
прилежание имети в делании Заповедей Христовых,
вводящих в жизнь вечную.

Богородичен:

Исцеляя всего мя человека, в Тя, Всенепорочная, вселися
Святейшее Слово, нетленну Тя сохрани, темже Тя, яко
Матерь Божию и Деву вси почитаем.

Кондак, глас 2:

Блаженная Варваро,/ премудрая угоднице Божия,/ разум свой отвергнуши, разум Христов прияла еси,/ в подвизах суровых совлекишия ветхаго человека,/ благодатию Святаго Духа одеялася еси ,/ обители райския наследовала еси,/ моли о нас Человеколюбца Бога,// да помилует и спасет души наша.

Икос:

Подвиги твоя, блаженная, кто повесть, кто возможет восхвалити тя по достоянию; како глубину смирения, высоту добродетели, чистоту жития твоего постигнути возможно; но зрим чудеса твоя, премудрость, благодать на тебе почивающую, умильно взываем: дивны дела Твоя, Господи.

Песнь 7

Отроцы еврейстии в пещи:

Умоли, блаженная наша мати, всемилостиваго Бога, в чистоте душевной и телесней жизнь нам провождати, да осквернении одежды крещения слезами покаяния очистим и с наемники единонадесятаго часа Царствие Божие примем.

С покаянием и слезами к тебе прибегаем, не имамы бо дерзновения Христа умолити, грехми и страстьми обуреваемии, твое теплое моление пролей за ны ко Господу, да твоими молитвами спасени будем.

Ведала еси о кончине твоей, блаженная мати, извещенней

ти от ангела бывшей, и с горящим светильником встретила еси Жениха твоего Христа. Темже молим тя, в час смерти нашея не остави нас твоим заступлением.

Богородичен:

Богородице Дево, Мати безневестная, в час егда судит Сын Твой миру, буди нам покров и Заступница.

Песнь 8

Победители мучителя и пламене:

Явилася еси столпом от земли до неба, блаженная мати, лицезрела еси яко настоящая будущая, себе саму ради Христа отвергла еси, темже живет в тебе Христос, и ты в нем пребываеши во веки.

Не искала славы своея, Варваро, но Христа прославляючи, притекающих к тебе в храм Господень отправляла еси. Темже Христос тя возвеличи и прослави во веки.

Утешение посла ти Христос, возвещая о кончине подвига твоего, темже богоугодное житие твое скончавши с Ним царствуеши во веки.

Богородичен:

Чистоте Твоей, Дево, удивишася ангели, превзошла бо еси вся чины небесныя. Имеем Тя крепкую заступницу. Темже вся козни вражия разруши, врази победи, Сына Своего о спасении нашем умоли. Вся бо можеши, Творца всея твари рождши.

Песнь 9

Воистину Богородицу:

Ни скорь, ни теснота, ни гонения, ни мраз, ниже зной, ни

инныя лишения не отлучиша тя, блаженная мати, от любви Божия. Но терпением душу свою стяжавши, вся сия мужественно претерпевала еси, и десницею Божиею ведомая, земное течение скончавши, в небесныя обители преселилася еси.

Мужественно на врага вооружившись, немощи женския отреклася еси, умучила томящаго тя днавола, темже со апостолом Павлом речем, яко несть во Христе Иисусе не мужеск пол, ни женский, но нова плоть.

Облеклася в броню веры, щит спасения приемлющи, обувши нозе в благовествование мира, безбоязненно на днавола вооружилася еси. Молим ти ся прилежно, его сетей смиренномудрием избавитися нам.

Богородичен:

Благодарим Тя присно, Богородице, и величаем, Пречистая, воспевающе Рождество Твое Благодатная, вопиюще непрестанно: спаси ны, яко Благая.

Светилен:

Оставила еси вся в мире сем, Варваро блаженная, та бо есть похоть очес и гордость житейская, ни во что же вменила еси премудрость преходящую и Христу сораспялася еси. Сего ради не остави Бог труды твоя, возвеличив тя великими, нуже око не виде, ухо не слыша и на сердце человеце не въздоша.

Слава, и ныне, Богородичен:

Радуйся Неискусобрачная Мати, Чистая Владычице, Адама и Евы воззвание, помощи грешных; радуйся стено

призывающих Тя; радуйся мира Радосте.

На хвалитех стихиры на 4, глас 4:

Днесь восхваляем вернии/ блаженную старицу Варвару,/ в светлый день памяти ея/ с верою и упованием к ней возопим:/ о, всеблагая мати наша,/ на многих распутнях жизни пребывающих,/ малодушных и немощных не остави нас// твоими к Богу молитвами.

О, блаженная мати Варваро,/ детей закону Божию и разуму научала еси,/ темже мы недостойныя чада твоя,/ ныне усердно просим тя:/ настави нас молитвами твоими в вере истинней пребывати,/ нрав добродетельный стяжати,/ да тако тобою направляемии прославим Бога,// дивнаго во святых Своих.

О, блаженная мати Варваро,/ возлетела душа твоя ко престолу в Тронце славимаго Бога,/ к Нему же во всей твоей жизни устремлялася еси,/ егда же тело твое святое не соша на погребение отроковицы,/ солнце лучи своими играше,/ люди же видя сие чюдяхуся,// прославляюще Бога, дивнаго во святых Своих.

О, блаженная мати Варваро,/ кто достойно восхвалит подвиги твоя;/ тесное житие провождая,/ со ангелы Бога славити удостоилася еси,/ нищетою и постом себе питая,/ райския пищи сподобилася еси,/ в лютую стужу теплотою Святаго Духа согреваемая,/ непрестанно в молитве пребывала еси./ Темже прослави тя Господь / и в обители райския всели,// и ныне милует нас, творящих память твою.

призывающих Тя; радуйся мира Радосте.

На хвалитех стихиры на 4, глас 4:

Днесь восхваляем вернии/ блаженную старицу Варвару,/ в светлый день памяти ея/ с верою и упованием к ней возопим:/ о, всеблагая мати наша,/ на многих распутьях жизни пребывающих,/ малодушных и немощных не остави нас// твоими к Богу молитвами.

О, блаженная мати Варваро,/ детей закону Божию и разуму научала еси,/ темже мы недостойныя чада твоя,/ ныне усердно просим тя:/ настави нас молитвами твоими в вере истинней пребывати,/ нрав добродетельный стяжати,/ да тако тобою направляемии прославим Бога,// дивнаго во святых Своих.

О, блаженная мати Варваро,/ возлетела душа твоя ко престолу в Тронце славимаго Бога,/ к Нему же во всей твоей жизни устремлялася еси,/ егда же тело твое святое не соша на погребение отроковицы,/ солнце лучи своими играше,/ люди же видя сие чюдяхуся,// прославляюще Бога, дивнаго во святых Своих.

О, блаженная мати Варваро,/ кто достойно восхвалит подвиги твоя;/ тесное житие провождая,/ со ангелы Бога славити удостоилася еси,/ нищетою и постом себе питая,/ райския пищи сподобилася еси,/ в лютую стужу теплотою Святаго Духа согреваемая,/ непрестанно в молитве пребывала еси./ Темже прослави тя Господь / и в обители райския всели,// и ныне милует нас, творящих память твою.

Слава, глас 6:

Веселися и радуйся страна Уфимская, / ликуйте чада Божия церковныя, / се сродницы наша пред престолом Владычним предстоят, / о нас непрестанно моляся, / святитель Симон и вси новомученицы Уфимстии, / преподобный отец наш Моисей / и с ними блаженная мать Варвара / рuce свои ко Христу простирает // о еже спастися душам нашим.

И ныне, Богородичен или Праздника:

На литургии

Прокимен, глас 7:

Честна пред Господем смерть преподобных Его.

Стих: Что воздам Господеву о всех, яже воздаде ми?

Апостол к Галатам, зачало 213.

Аллилуия, глас 6: Блажен муж, бояйся Господа, в заповедах Его восхощет зело.

Стих: Сильно на земли будет семя Его.

Евангелие от Луки, зачало 24.

Причастен:

В память вечную будет праведник:

